

2018-imut aningaasanut inatsisissatut siunnersuut

(Aningaasaqarnermut Akileraartarnermullu Naalakkersuisoq)

Saqqummiussissut

(Aningaasaqarnermut Akileraartarnermullu Naalakkersuisoq)

Siullermeerinnineq

2018-imut aningaasanut inatsisissatut siunnersuut Naalakkersuisut sinnerlugit matumuuna saqqummiuppara.

Annertuumik siuariartuinnarneq

Aningaasaqarnermut siunnersuisooqatigiit kingullermik missingiinnerminni naliliipput 2016-imi 8 %-it tikingajallugit siuariartoqassasoq. Tamatumunnga pingaartumik pissutaavoq aalisarnerup siornatigut naatsorsuutigisanit ingerlalluarnerusimanera. Annertussutsit eqqarsaatigalugit aalisagaqatigiit amerlanersaat annertuumik siuariaateqarput, tassungalu ilanngullugit pingaarnerpaat tassaasut: Raajat, qalerallit saarulliillu. 2016-imi aningaasaqarnikkut siuariartorneq siusinnerusumut sanilliullugu inuinnaat atuinerata annertuseriarneranik pissuteqartoq nalilerneqarpoq. Sanaartornernut aningaasaliinerit aamma qaffariarsimasutut isikkoqarput. Suliffissaleqisutut nalunaarsorneqartut 2016-ip ingerlanerani 550-inik ikileriarlutik 2.900-nngorput.

Aningaasaqarnermut Siunnersuisooqatigiit aningaasaqarnikkut siumut naatsorsuinerisigut nalilerneqarpoq ineriartorneq 2017-imi annikilliarforfiulissasoq, 3-4 %-illu missaaniissasoq naatsorsuutigineqarluni.

2018-imi aningaasaqarneq 2 pct.-it missaannik siuariartorfiussasoq Aningaasaqarnermut Siunnersuisooqatigiit maanna naatsorsuutigaat. Taamatulli naliliineq suli nalorninarpoq, tamannalu mittarfinnik nutaanik takornariatitsinerimut inuussutissarsiutinillu ineriartortitsinerimut annertusaataasinnaasunik sanaartorerit aallartinnissaat aammalu assersuutigalugu aatsitassarsiorfinnik nutaanik ammaanikkut aatsitassarsiornikkut annerusumik suliniuteqarnissat pillugit aalajangiinernit ilaatigut sunnerneqarsinnaavoq. Suliniutinit taakkunanit arlallit pilersaarutigineqartut piviusunngortinneqassappata 2018-imilu aallartinneqassappata siunnersuisooqatigiit naliliinerannit annerusumik ineriartortoqarsinnaanissaa naatsorsuutigineqartariaqarpoq.

Naligiinneruneq siunissamullu ungasissumut aningaasaqarneq attanneqarsinnaasoq.

Naak ukiuni makkunani aningaasaqarneq siuariartorluarualuortoq ukiuni tullinnguuttuni amerlasuuni pilersugassat amerlanerusut pilersornissaannut suli ikiliartoratta aamma inuusuttut ukioqatigiiaat amerlanerujussuit inuussutissarsiuteqalernissamut piginnaanngorsaataasumik ilinniagaqarnissaat kingornatigullu ataavartumik suliffeqalernissaat qulakkeerniartillugu marloriaammik unammilligassamik sulissutiginnissinnaalernissatsinnut aningaasanik atorsinnaasanik qulakkeerinnittussamik aaqqissuusseqqinnerit suli pisariaqartinneqassapput.

2018-imut aningaasanut inatsimmi pingaarnersiunerit suliassaqarfinni qitiusuni, soorlu ilinniartitaanerimut, isumaginninnerimut, inuussutissarsiornerimut, angallannerimut ineqarnermullu

tunngasuni suliniutinut aaqqissusseqqinnernullu ikorfartuutaanissaat Naalackersuisunit pingaartinneqarpoq.

Tamatuma saniatigut pingaarnersiunerit naligiinnerulertoqarnissaanut ilapittuutaanissaat Naalackersuisunit pingaartinneqarpoq. Tamanna anguniarlugu inuiaqatigiinni aningaasaqarnikkut naligiinnginneq piitsuussuserlu pitsaaliorniarlugit killilersorniarlugillu uagut inuiaqatigiittut qanoq iliuseqarsinnaanerput pillugu nassuiaammik ukiakkut ataatsimiinnermi matumani saqqummiussinissartik Naalackersuisut naatsorsuutigaat.

Meeqqanut tapiissutitut tunniunneqartartut pitsaanerulersinneqarnissaanut Naalackersuisut 2018-imut aningaasanut inatsisissatut siunnersuummi 14 mio. kr.-inik immikkoortitsipput. Tamatuma saniatigut ineqarnermut tapiissutit pitsanngorsarneqarnissaanut 16,5 mio. kr.-it immikkoortinneqarput. Suliniutit ilaatigut pappilianut nalilinnut akileraarusersuisalernikkut aamma aalisarnermit pisuussutit akitsuutit annertusinerisigut aningaasalersorneqarniartut. Suliniutit tamarmik naligiinnerulersitsinissamut iluaqutaassapput.

Siunissami ineriartortitsinissaq, inerikkiartortitsinissaq isumaginnissinnaanissarlu qulakkeerniarlugit Kalaallit Nunaanni inuussutissarsiutigalugu suliffeqarfimmik ingerlatsinissamut atugassarititaasut nutarterneqarlutillu pitsaanerulersinniarlugit Naalackersuisut ukiuni kingullerni suliniutigisatik ingerlateqqissavaat.

Aningaasalersuinissamut periarfissat Naalackersuisunit pitsanngorsarneqareerput, taamaalluni kalaallit suliffeqarfiutaat Eksportkreditfondenimit, Vækstfondenimit, Den Nordiske Investeringsbankimit kiisalu Den Europæiske Investeringsbankimit maanna aningaasaliiffigineqarsinnaalerlutik. Tamanna aningaasanut inatsisissatut siunnersuummi annertusarneqarpoq, tamatumani aallarnisaasunut annikitsumik taarsigassarsisitsinnaanerput aningaasanik immikkoortitsisoqarluni.

Aammattaq takornariaqarnerup imminut napatissinnaasumik inuussutissarsiutinngortinnissaa Naalackersuisut takorluugaraat. Tassani ilaatigut qulakkeerniarneqarpoq takornariat takujumasaasa tikikkuminarsarnerisigut, misigisassat suliassallu amerlisinnerisigut kiisalu namminersortut aningaasaliinissaminnut kajumissuseqarnerulersinnerisigut takornariartartut amerlisinnaanissaat.

Takornariaqarneq imminut napatissinnaasumik inuussutissarsiutinngortinniarlugu aammalu aningaasaqarnikkut siuariartornissamut pitsaanerusunik tunngavissaqartitsiniarluni mittarfeqarnikkut attavilersuutinik nutarterineq suliniutit pingaarnersaraat. Tamanna anguniarlugu Kalaallit Airport A/S Naalackersuisunit pilersinneqarpoq. Naalackersuisut 2016-imi Kalaallit Airport A/S-imut katillugit 294 mio. kr.-inik aningaasaliissuteqarput. Ingerlatseqatigiiffimmut aningaasaliissutit ukiuni aggersuni annertuumik amerlineqassasut Naalackersuisunit naatsorsuutigineqarpoq. Ingerlatseqatigiiffimmut tapiissuteqaqqinnissamut tunngavissaq qulakkeerniarlugu aappassaaneerinninnermi pingajussaaneerinninnermiluunniit allannguutissatut siunnersuummik saqqummiussisoqarnissaa naatsorsuutigineqarpoq, taamaaliornikkut aningaasaliisartut aningaasaliissutinut tunngavigineqartunik naammaginartumik tatiginnilernissaat qulakkeerneqassaaq. Naalackersuisut aalajangiinissamut tunngavigisassaat naammassiniarlugu Naalackersuisut naalackersuisoqarfii arlallit anguniagaqarfiusumik suliaqarput. Taanna kingusinnerusukkut Inatsisartunut saqqummiunneqassaaq.

Qinigaaffimmi matumani aningaasanut inatsit kingulleq

2018-imut aningaasanut inatsisissatut siunnersuut piffissami qinigaaffiusumi matumani sisamassaraat kingullersaralugulu.

Piffissami 2018-2021-imi aningaasanut inatsiseqarfiusuni aningaasartuutit isertitallu oqimaaqatigiissaarnissaat 2018-imut aningaasanut inatsimmi Naalakkersuisut anguniagariurpaat. Tamannalu anguneqassappat aningaasanut inatsisip ukiuni sisamani atuuffigisaani tamarmi IS-imi inernerit pitsaassuusariaqarput. IS tassaavoq ingerlatsinermut sanaartornermullu aningaasartuutit.

2018-imut aningaasanut inatsisissatut siunnersuut IS-imi 9 mio. kr.-inik 2018-imi sinneqartoorfiussaaq. Taarsigassarsiaritit naatsorsuinerit ilanngunneqarpata 2018-imut aningaasanut inatsisissatut siunnersuut IST-mi 2018-imi 7 mio. kr.-inik sinneqartooruteqartoqassaaq.

Piffissami aningaasanut inatsiseqarfiusumi 2018-2021-mi tamarmi 2018-imut aningaasanut inatsisissatut siunnersuut IS-imi 40.000 kr.-inik annikinnerusumik sinneqartoorfiussaaq, taamaattumillu piffissami aningaasanut inatsiseqarfiusumi aningaasartuutit isertitallu oqimaaqatigiinnissaannik Naalakkersuisut anguniagaat taamaalilluni eqquutsinneqarpoq. Taamaattorli ingerlatsinermut aningaasartuutit amerlissutaat aningaasartassaqartinneqarnaviannigitsut aamma ilimagineqartariaqarpoq.

Taamaattumillu immikkut suliaasaqarfinnut suliniutinulluunniit aningaasaliissuteqarnerunissamik kissateqartoqassappat aningaasaliissutinik aalajangersimasunik allatut tulleriaarinikkut isertitaqarnerunikkulluunniit aningaasalersuinissaq pisariaqassaaq. Taama aningaasalersuinissamut innersuussinissaq Naalakkersuisut Inatsisartullu akisussaaffigaat.

Aningaasaqarnikkut siuariartortoqartillugu Nunatta Karsiata naatsorsuutai sinneqartoorfiutillugit Nunatta Karsiata aningaasartuutaasa qaffanneqarsinnaanerit ussarnartuusinnaavoq. Taamaattorli eqqarsaammut taamaattumut mianersoqqussuteqassalluni pissutissaqarpoq. Ingerlatsinermut aningaasartuutit qaffakkaanni kingusinnerusukkut apparteqqinnissai ajornakusoortorujussuussaaq. Tamatumani tulleriaareqqinnissaq pisariaqarpoq aammalu inuit ulluinnarni atugaannut malunnaateqartumik sunniuteqassalluni. Misilittakkat malillugit ilisimavarput tapiissutinut aaqqissuussinerit allaffissornikkullu aningaasartuutit ilanngarternissaat qanoq ajornakusoortigisoq aammalu soqutigisaqartunik susassaqarfimmini ingerlatsinermut aningaasartuutinik annikillisaasoqarnissaanut akerliusunik peqartuassaaq.

Taamaattumik suliniutinut aalajangersimasunut aningaasartuutit amerlineqarnissaannik siunnersuutit aningaasanut inatsit pillugu politikikkut isumaqatiginninniarnernut ilanngunneqartarnissaat Naalakkersuisunit pingaartinneqarpoq, taamaalilluni aningaasanut inatsit missingersuusiornermut naatsorsuuserinermullu inatsimmi siunertanik allassimasunik sapinngisamik annerpaamik malinnissinnaaqullugu, tamannalu anguneqassaaq *ataatsimut pingaarnersiutinikkut*.

2018-imut aningaasanut inatsisissatut siunnersuummi aningaasat pillugit ataatsimut pingaarnersiuisariaqarneq annertoortorujussuavoq. Ilaatigut pisariaqartit kissaatillu attuumassuteqartut saqqummiunneqarput ilaatigullu aningaasanut inatsisissatut siunnersuummi konto pingaarnermi 24.13.50-imi, akileraartarnermi akitsuusiisarnermilu isertitaqarnerulernissamut sillimmatinut tunngasumi isertitit aningaasartuutillu oqimaaqatigiissilerniarlugit isertitatigut sillimmat 50 mio. kr.-it ukiut tamaasa missingersuutinut ilanngunneqartassallutik.

Isertitatigut sillimmat ilaatigut aalisarnermit pisuussutit akitsuusernerusalerneratigut aningaasalerneqartarnissaat Naalakkersuisut naatsorsuutigaat. Tamatuma saniatigut konto pingaarnermi 20.11.51-imi, aaqqissuusseqqinnerit sunniutaannut tunngasumi 2018-imi annertuumik isertitaqarnissaq missingersuusiorneqarpoq aammalu pingaartumik 2019-imit ineqarnermut taarsigassarsiat erniaannut tapiissutinut ilanngaati allanngortinneqarneratigut akileraarutit qaffannerisigut kiisalu aningaasaatitigut iluanaarutinut akileraarutit qaffannerisigut, tassunga

ilanngullugu ilaatigut pappiliat nalillit nalingisa nikerarnerannit pissarsianit akileraartalersitsinikkut annertuumik isertitaqarnissaq missingersuusionerqarluni.

Akileraartarnermi akitsuusiisarnermilu isertitaqarnerunissamut siunnersuutit Inatsisartunit tapersorneqanngippata, 2018-2021-imi aningaasanut inatsiseqarfiusuni aningaasartuutit isertitallu oqimaatigiissinneqarnissaat anguniarlugu allanik isertitaqarneruffiusussanik nassaarniartoqassaaq imaluunniit taartaasussanik sipaarniartoqassalluni.

2018-imut aningaasanut inatsisissatut siunnersuummi 2018-imit isertitassat tamarmiusut 2017-imut sanilliullugit 150 mio. kr.-inik amerlanerussapput. Isertitassat amerlinerannut ilaatigut akinut akissarsianullu 2,7 %-imik 2018-imi iluarsuuteqarnissap kingunerisaanik naalagaaffimmit ataatsimoortumik tapiissutit aappaagu 100,5 mio. kr.-inik amerlisussaaneeri pissutaapput. Taassuma saniatigut akileraarutinit akitsuutinillu isertitat 2017-imut aningaasanut inatsimmi ukiumut missingersuusionerfiusunut ilanngullugit naatsorsorneqartunut sanilliullugit ukiumut agguaqatigiissillugu 40 mio. kr.-inik amerlineqarput.

Akileraarutinit akitsuutinillu isertitat tamarmiusut amerlineqarnerannut atatillugu pisassanut allanut siusinnerusukkut isumakkiikkanut akiliutinit isertitat 2018-imi 15 mio. kr.-inik, 2019-imi 30 mio. kr.-inik kiisalu 2020-mi 15 mio. kr.-inik ikilineqassapput. Tamatumunnga pissutaavoq akiliisitseriaat Ilangaassivik pillugu inatsisissatut siunnersuummik Naalakkersuisut ukiakkut ataatsimiinnermini matumani saqqummiussinnginnissamik aalajangiinnererat. Naalakkersuisut isumaqarput ilaatigut qarasaasiatigut atortorissaarutit ulluinnarnilu akiliisitseriaatsip taamaattup aallaqqaataaniilli pissusissamisoortumik ingerlanissaanut pisariaqartinneqartut qulaajarneqarnissaat Ilangaassivik pillugu inatsisissatut siunnersuusiornissap piareersarnissaanut utaqqimaarneqartariaqartoq. Naalakkersuisut Ilangaassivik pillugu inatsisissatut siunnersuut kinguartimmassuk imaanngilaq suliniut taamaatinneqartoq. Akiitsutigut kinguaattoorutit sulii amerlavallaarnerujussui inuiaqatigiittut isummerfigisariaqarparput.

Naalakkersuisut inuiaqatigiinni aningaasaqarnikkut naligiinnerusoqarnissaa kissaatigippassuk inuiaqatigiinnut *akiliisinnaasut* aningaasaqarnikkut pisussaaffimminnik naammassinnittariaqassapput. Peqatigisaanillu kikkulluunniit sulisinnaasut namminneq sulinertik tunngavigalugu inuuniartariaqalissapput. Tamakkuupput inuiaqatigiinni ataqatigiitsisussat ikorfartoqatigiitsisussallu naggataatigullu namminersulivinnissatsinnut pisariaqartinneqartut.

Aningaasanut inatsisissatut siunnersuummi pingaarnersiukkat

Isertitat annertusiarernerannut atatillugu Naalakkersuisut ilaatigut peqqinnissaqarfimmut ukiumut 35 mio. kr.-inik ilassuteqarlutik pingaarnersiuiupput. Dronning Ingridip Napparsimmavissuani aningaasartuutit tatisimannittut matussuserniarlugit kiisalu napparsimasut angallannerannut napparsimasunillu angallassinermut atatillugu aningaasat immikkoortinneqarput. Taakku saniatigut peqqinnissaqarfimmi ingerlatsinikkut suliniutinut nutaanut, matumani inoorlaanut inunngujaarsimasunut immikkoortortaqarfimmut, tuberkulosemut periusissamut nutaamut kiisalu Aasianni atornerluisunut katsorsaaviup pilersinneqarnissaanut aningaasat immikkoortinneqarput.

Nunanut allanut tunngasuni Reykjavikimi Kalaallit Nunaata sinniisoqarfiata ingerlannissaanut ukiumut 2,5 mio. kr.-it immikkoortinneqarput. Kalaallit Nunaata sinniisoqarfiata sanileriilluarnerup ineriartornissaa aamma kalaallit inuiaqatigiit Kalaallit Nunaata Islandillu suleqatigiinneranit annertunerpaamik pissarsiaqarnissaat iluaquteqarnissaallu qulakkeerinneqataaffigissavai.

Hashimik eqqussuinerup akiornissaanut atugassanik Akileraartarnermut Aqutsisoqarfik ukiumut 3 mio. kr.-inik aningaasaliiffigineqarqippoq. Aningaasat ilangaaserisut qimmillu

Ilulissaniitinneqarlutillu Kangerlussuarmitinneqartussat amerlillugit nukittorsaanermut atorneqassapput.

Ilaasunik angallassinermut kiffartuussinissamik isumaqatigiissutit pitsaanerulersinnissaannut suliniutinut nutaanut sillimmatit ukiumut 8 mio. kr.-inik amerlineqarput. Taassuma saniatigut siusinaartumik soraarnerussutisianik aaqqissuusseqqinnermut 2015-imi ukiakkut ataatsimiinnermi akuersissutigineqartumut sillimmatit ukiumut 7,1 mio. kr.-inik amerlineqarput. Suliniutip siunertaraa siusinaartumik soraarnerussutisiaqartut sulisinnaanngitsut tunngaviusumik soraarnerussutisiaqalernissaat. Tunngaviusumik soraarnerussutisiani aapparisaq isertitai apequtaassanngillat. Suliniutittaaq siunertaraa siusinaartumik soraarnerussutisiaqartut ikaarsaariarnermut aaqqissuusinnermiittut siusinnerusukkut aaqqissuusinnermi atugassarititaasut assinginik atugassaqaarnissaasa qulakkeerneqaarnissaa. Sillimmatini suliniutissat aappassaaneerinninnermi pingajussaaneerinninnermiluunniit atugassanngortinneqassasut naatsorsuutigineqarpoq.

Nerisassaqaarnikut imminut pilersortoqaarnerulernissaa siuarsarniarlugu sillimmatinut kontomut nutaamut 10 mio. kr.-it immikkoortinneqarput. Aappassaaneerinninnermi pingajussaaneerinninnermiluunniit imaluunniit aningaasanik atuinissamut immikkoortortaqaarfinnut pilersaarusiamik suliaqartoqaareerpat Aningaasaqaarnermut Akileraartarnermullu Ataatsimiititaliaq aqputigalugu immikkut ilassutitut aningaasaliissutinik qinnuteqaarnikkut konto pingaarnernut pineqartunut suliniutip piviusunngortinneqaarnissaa qinnutigineqassaaq.

Pingaarteqartutut aamma eqqaaneqassaaq Inatsisinik Atortitsinermit Naalakkersuisoqarfik ukiumut 1 mio. kr.-it inulaarlugit aningaasaliiffigineqarmat. Tamatumunnga pissutaavoq Inatsisinik Atortitsinermit Naalakkersuisoqarfiup pisariaqavissumik annertusaavigineqaarnissaa.

Inatsisartut ataatsimiinneranni matumani aalisarnej pillugu inatsimmut aammalu inunnut innarluutilinnut tapiissutit pillugit inatsimmut allannguutissat siunnersuutit saqqummiunneqaarnissaat Naalakkersuisut naatsorsuutigaat. Inatsisissatut siunnersuutit Inatsisartut ataatsimiinneranni matumani taamaallaat siullermeerneqaarnissaat naatsorsuutigineqarpoq, piffissaq tusarniaaffiusoq pissutigalugu taakku ullup tunniussivissap naanerata kingorna Inatsisartunut aatsaat tunniunneqaarsinnaammata. Inatsisissatut siunnersuutit suliarineqaarneri aningaasanut inatsisissap naammassereernerata kingorna aatsaat naammassineqaarsinnaammata, inatsisissatut siunnersuutit aningaasaqaarnikkut kingunerisassaasa aningaasanut inatsisissatut siunnersuummut ilanngunnissaannut Naalakkersuisut suli periarfissaqanngillat. Naalakkersuisut aningaasaqaarnikkut kingunerisassat taakku kingusinnerusukkut isummerfigiumaarpaat pisariaqassappallu aningaasanut inatsisissatut siunnersuummut allannguutissatut siunnersuutit pisariaqartut saqqummiukkumaarlugit.

Sanaartornermut tunngasut - Pingaarnersiunerit immikkoortumullu pilersaarutit

Naalakkersuisooqatigiit isumaqatigiissutigaat nunatta aningaasaqaarnikkut imminut napatilernissaa siunertaralugu suliata tamarmik qitiusumit suliarineqalissasut - suliniutigineqartullu sunnuteqarlunissaat qulakkeerniarlugu ataqatigiissaarneqassasut. Tassungalu ilanngullugu pisortat sanaartugassaat nunap immikkoortuinut agguarneqassapput inuiaqatigiinni pisariaqartinneqartunut naapertuunneruniassammata.

Taamaattumik 2018-imut aningaasanut inatsisissatut siunnersuut aaqqissugaavoq sanaartornissamut aningaasat makku aallaavigalugit pingaarnersiorneqaarsinnaaqullugit:

- Mittarfeqaarnermut tunngasuni anguniakkat akuersisat. Tassungalu ilanngullugu immikkut ittumik isertitatt mittarfeqaarnermut tunngasuni attaveqaatinut aningaaliinissamut atugassanngortinneqassapput, taakkulu aningaasaqaarnikkut anguniakkat patajaatsuunissaannut

imminullu napatittumik aningaasaqalernissamut iluaqutaasinnaallutik. Sanaartornerit aallartinneqannginneranni mittarfiliornissat aallartinneqanissaat Inatsisartut Aningaasaqarnermut Akileraartarnermullu Ataatsimiititaliaata immikkut isummerfigisariaqassavaa.

- Sanaartornikkut immikkoortumut pilersaarutini suliniutit salliutinneqarnerpaat.
- Nunap immikkoortuini ineriartornerit oqimaaqatigiilernissaannik sanaartornissamullu aningaasat immikkoortinneqartut pissarsiffigilluarnerunissaannik anguniagaq.

Aningaasanut Inatsisissatut siunnersuummi sanaartornermut aningaasaliissutit atuarneqarnerani sumiiffiillu ilisarnaataasa agguarneranni aningaasaliissutit marlunnut avitat pillugit tunngaviup maluginiarneqarnissaa pingaaruteqarpoq. Tunngavigineqartup nassatarissavaa sanaartornermut aningaasaliissummit tamarmiusumit taamaallaat suliniutip aallartisarneqarnerani aningaasaliisoqartassasoq (amerlanertigut 3-5%), aatsaallu suliarinnittussarsioreernerup kingorna sanaartornissamut aningaasat tunniunneqartassallutik. Taamaammat aningaasanut inatsimmi sumiiffinnut agguakkanut takussutissiami sanaartornermut aningaasaliissutit nunap immikkoortuinut agguarsimanerani inaarutaasumik takussutissarsisoqarsinnaanngilaq.

Aaqqissuussaaneermik iluarsartuusseqqinnerup akuerineqarnerata nassatarisaanik sanaartornermut aningaasaliissutinit annertuut arlallit kommuninut ukiuni aggersuni nuussisoqarnissaa naatsorsuutigineqarpoq. Tamatuma kingorna sanaartornermut aningaasaliissutinik nunap immikkoortuinut agguasarnerit kommunini ataasiakkaani pissutsinut qanittumiinnissaq tunngavigalugu kommunalbestyrelsit annerusumik suliarisallissavaat. Tamatuma piareersarneqarnerani kommunit suleqatigalugit illutat qanoq innerinik nalilersuinerit aamma immikkoortumut pilersaarutit pisariaqartut suliarineqarnerisa naammassineqanissaat Naalackersuisut salliutippaat. Tamatumani siunertarineqartoq tassaavoq sanaartugassat pineqartut, tassungalu ilanngullugit 2018-imit kommunini atuarfiit 2019-imilu ineqarnermut tunngasut, tunniunneqannginneranni naapertuuttunik isumaqatigiissuteqarnissamut piareersarnissaq.

2017-imut nuna tamakkerlugu pilersaarummut saqqummersussamut Naalackersuisut immikkoortumut pilersaarutit pillugit suliaqarnerup ingerlannga pillugu nassuiaateqassapput.

Aappaasaaneerinninnissamut allannguutissatut siunnersuutigineqartussatut naatsorsuutigisat

2018-imi kommuninut ataatsimoortumik tapiissutit pillugit isumaqatiginninniarnert atorfilittanit suli naammassineqanngillat. 2018-imi kommuninut ataatsimoortumik tapiissutit pillugit ukiakkut ataatsimiinnerup ingerlanerani isumaqatigiissuteqartoqarnissaata naatsorsuutigineqarnerata kingunerisaanik aappaasaaneerinninnissamut pingajussaaneerinninnissamullu kommuninut ataatsimoortumik tapiissutit pillugit konto pingaarnermut allannguutissatut siunnersuutinik saqqummiussisinaanissartik Naalackersuisut naatsorsuutigaat. Ilaatigut atualernissamut piareersarnermut atuarfeqarnermullu suliassaqaqfimmi sanaartornermut aningaasaliissutit kommuninut nuunneqanissaat isumaqatigiissummut ilanngunneqassasoq naatsorsuutigineqarpoq.

Tamatuma saniatigut isertitanut aningaasartuutinullu inatsisitigut pisussaaffigisanut aningaasaliissutissatut missingerneqartut nalilersueqqinnerup kingunerisaanik allannguutissatut siunnersuutinik saqqummiussisoqarnissaa naatsorsuutigineqarpoq. Tamatumani ilaatigut pineqarput utoqqalineri soraarnerussutisianut, siusinaartumik soraarnerussutisianut aningaasartuutit kiisalu akileraarutinit akitsuutinillu isertitat. Tassunga atatillugu qaleralinnut akitsuutit pillugit konto pingaarnermut isertitassatut missingerneqartut ineriartornissaannut naatsorsuutigisat Naalackersuisunit immikkut eqqumaffiginiarneqassapput. 2018-imut aningaasanut inatsisissatut siunnersuummi isertitassatut missingerneqartut 2017-imi ukiumut 40 mio. kr.-init 2018-imi ukiumut 55 mio. kr.-inngorlugit amerlineqarput. Amerlineqarnerannut tunngavigineqartoq tassaavoq 2016-imi konto pingaarnermi 54 mio. kr.-inik isertitisoqarmat. Qeqertarsuulli Tunuani qaleralittat ikilisisanerannik

nalunaarutigineqaqqammersut
ikilineqartariaqarsinnaapput.

tunnngavigalugit

isertitassatut

missingerneqartut

Taama oqaaseqarlunga Naalackersuisut 2018-imut aningaasanut inatsisissatut siunnersuutaat
Inatsisartunut oqaluuserisassanngortippara.